

TAČKA 3

INFORMACIJA

vezane za radno pravno zakonodavstvo (Zakon o radu, Zakon o posredovanju u zapošljavanju i socijalnoj sigurnosti nezaposlenih osoba, Zakon o zapošljavanju stranaca);

Zakon o posredovanju u zapošljavanju i socijalnoj sigurnosti nezaposlenih osoba

Udruženje poslodavaca u Federaciji BiH tokom ove godine radilo je puno sa resornim Ministarstvom za rad i socijalnu politiku i drugim partnerima na pripremi propisa iz oblasti radno pravnog zakonodavstva. Pripremljen je i u proceduru upućen **Zakon o posredovanju u zapošljavanju i socijalnoj sigurnosti nezaposlenih osoba kroz koji smo posebno insistirali da se riješe pitanja:**

- Razdvajanja aktivnih i pasivnih tražitelja posla na evidencijama nezaposlenih,
- Unaprjeđenje postupka posredovanja u zapošljavanju kroz unaprjeđenje rada nadležnih službi i Zavoda za zapošljavanje;
- Unaprjeđenje pripreme i realiziranja programa i projekata zapošljavanja;
- Uključivanje predstavnika poslodavaca u punopravan sastav Upravnog odbora Zavoda za zapošljavanje i dr.

Zakon je upućen u zakonodavnu proceduru, prošao prvo čitanje, završena javna rasprava. Udruženje dalo svoje komentare. Nakon završene javne rasprave formirana je Radna grupa, u kojoj je Udruženje učestvovalo u radu tokom čega je osiguralo da ključni interesi poslodavaca budu uključeni u Zakon, tekst usaglašen i očekuje se upućivanje u daljnu proceduru.

Zakon o zapošljavanju stranaca u Federaciji BiH

Na inicijativu Udruženja poslodavaca u FBiH pokrenute su aktivnosti **na izmjenama i dopunama Zakon o zapošljavanju stranaca u Federaciji BiH**. Cilj izmjena i dopuna ovog Zakona bio je pojednostavljenje i olakšavanje procedura za uvoz stranih radnika u FBiH i ujednačavanje procedura sa onima u RS-u ali i u zemljama okruženja i šire.

Nacrt izmjena i dopuna Zakona pripremilo Udruženje. Tekst usaglašen na radnim tijelima i upućen u daljnu zakonodavnu procedure.

Kao i kod Zakona o posredovanju u zapošljavanju na stručnom i operativnom nivou tekst usaglašen. Očekuje se početak zakonodavne procedure.

Zakon o radu- Radna verzija

Pored gore spomenuta dva zakona najvažniji zakon iz oblasti radno-pravnog zakonodavstva u širem smislu te riječi je novi **Zakon o radu**.

Ovaj Zakon je zbog velikog broja novih prijedloga i promjena u odnosu na važeći Zakon na kraju rađen kao potpuno novi Zakon o radu, a ne u formi izmjena i dopuna važećeg.

Podsjećamo da je na inicijativu Udruženja poslodavaca tokom 2024. godine Zakon o radu imao izmjene u dijelu prava na rad studenata u FBIH.

Udruženje poslodavaca Federacije BiH tokom izrade Radne verzije teksta Zakona o radu je učestvovalo u procesu kroz uključivanje imenovane predstavnice Mersihe Jusić. Cilj te aktivnosti bio je dogovor oko principa i ključnih instituta za pripremu novog teksta – Nacrta Zakona. **Formirana je Radna grupa:**

- Dana **30.05.2025.** federalni Ministar rada i socijalne politike donio je Rješenje broj 03-02/1-1476/24 JR o imenovanju članova Radne grupe za izradu teksta Prednacrta Zakona o radu. Za člana Radne grupe iz reda poslodavaca imenovana je **Mersiha Jusić**, sekretarka UPFBiH.
- UPFBiH je uputilo urgenciju radi imenovanja dodatnog predstavnika poslodavaca, koja nije prihvaćena od strane resornog ministarstva.

Nakon formiranja radne grupe članovi su dobili Prednacrt teksta Zakona koji je pripremila stručna služba u Ministarstvu. Prednacrt je sadržavao dosta zakonskih rješenja sa kojima se Udruženje nije slagalo. Ovaj Prednacrt je od strane stručne službe Udruženja dostavljen članovima Udruženja, Upravnom odboru, Pravnom i Ekonomskom savjetu u cilju priprema za prve sastanke radne Grupe i zauzimanje okvirnih stavova Udruženja.

Prvi konstituirajući sastanci Radne grupe održani su 25. i 26. juna 2025. godine u Sarajevu, a u ime Udruženja učestvovali su Mersiha Jusić i uz odobrenje rukovodioca Radne grupe i direktor Mario Nenadić. Na ovim sastancima detaljno se prezentirane stavovi i primjedbe Udruženja poslodavaca koje je pripremila stručna služba i članstvo, a dogovoreno je da Radna grupa tokom jula intenzivno nastavi s radom.

Dana 08. jula održan je sastanak predstavnika Udruženja poslodavaca au FBIH sa pomoćnikom ministra, g. Imamovićem, koji je i šef Radne grupe, na kojem su razmatrane ključne primjedbe poslodavaca. Ispred poslodavaca sastanku su pored direktora Maria Nenadića i članice Radne grupe prisutvovali predstavica Coca – cole HBC Senada Merdžanović i predstavnik Mann+Humela Armin Ćaro. Ministar rada je u međuvremenu naložio svom pomoćniku da se ubrza process pripreme Zakona i Radna grupa je radila svakodnevno u periodu od 14. do 17. jula.

Tokom rada od strane predstavnika poslodavaca ukazano je na neadekvatne rokove, metodologiju koja nije omogućavala postizanje konsenzusa sa svim socijalnim partnerima i činjenicu da se veliki broj primjedbi poslodavaca samo evidentira bez adekvatnog razmatranja. Uprkos tome, predstavnici Udruženja dali su značajan doprinos kroz komentare i argumentaciju, uz učešće predstavnika kompanija članica Sisecam Soda Lukavac, Coca-Cola HBC i MANN+HUMMEL BA.

U cilju pune uključenosti članstva, UPFBiH je 23. jula 2025.godine organizovalo online sastanak stručne grupe, na kojem su uz veliko interesovanje članstva objedinjeni stavovi i članicama je ostavljen i dodatni rok do 01. Avgusta 2025.godine da dostave svoje dodatne primjedbe. Sve pristigle primjedbe su objedinjene i 08. avgusta dostavljene Ministarstvu rada i socijalne politike, koji su sastavni dio ove informacije. Zatražen je i poseban sastanak sa Ministrom rada u periodu od 28. do 31. jula, koji nije realizovan zbog godišnjih odmora. Termin se usaglašava.

U svim fazama – od formiranja Radne grupe do razmatranja konkretnih odredbi – Upravni odbor, Pravni i Ekonomski savjet, kao i članstvo u cjelini, redovno je informirano i pozvano da dostave svoje prijedloge i primjedbe, koje su zatim objedinjavane kroz rad stručne službe i zastupane na sjednicama Radne grupe.

U svim fazama pripreme Zakona od učesnika je zatraženo da se suzdrže od javnih izjava i prezentacije nacрта rješenja, što je uglavnom ispoštovano od svih aktera.

Proces izrade Radne verzije Zakona o radu odvija se po mišljenju predstavnika Udruženja i akademske zajednice ubrzanim tempom i pod pritiskom nosioca posla, da se tekst što prije uputi u zakonodavnu proceduru.

Udruženje poslodavaca je u potpunosti bilo uključeno u sve faze rada, nastavlja davati svoje prijedloge i insistira na zaštiti interesa poslodavaca. Ključna pitanja u nastavku našeg rada na pripremi zakona odnosit će se na rješenja vezano za ugovore o radu na određeno vrijeme, radno vrijeme i pauze, disciplinsku odgovornost i prava i naknade radnika iz radno-pravnog odnosa a time i finansijske obaveze poslodavaca.

Nastavak uske koordinacije sa članstvom i stručnim tijelima Udruženja od presudne je važnosti kako bi se stavovi poslodavaca pravovremeno artikulirali i adekvatno predstavili u javnoj raspravi, na sjednicama Ekonomsko-socijalnog vijeća i u komunikaciji sa javnošću, kako u fazi pripreme konačnog teksta tako i u zakonodavnom postupku na Vladi FBiH i Parlamentu FBiH.

PRILOG: PRIMJEDBE I STAVOVI UDRUŽENJA POSLODAVACA